



KENYATAAN MEDIA

PERLUASAN KEBENARAN AKTIVITI IBADAT DI MASJID DAN SURAU DALAM TEMPOH PERINTAH KAWALAN PERGERAKAN BERSYARAT (PKPB) COVID-19 DI NEGERI TERENGGANU DARUL IMAN

Menjunjung titah perintah dan perkenan Kebawah Duli Yang Maha Mulia Al-Wathiqu Billah Sultan Mizan Zainal Abidin Ibni Al-Marhum Sultan Mahmud Al-Muktafi Billah Shah, Sultan dan Yang Dipertuan Bagi Negeri Terengganu Darul Iman serta segala jajahan takluknya selaku Ketua Agama Islam Negeri Terengganu.

Kebawah Duli Yang Maha Mulia Sultan menzahirkan kesyukuran ke hadrat Allah Subhanahu Wataala atas perkembangan semasa dengan pengurangan kes-kes positif Covid-19 di Terengganu dan penularan wabak dalam komuniti berada dalam situasi terkawal.

Selaras dengan situasi tersebut dan penetapan Perintah Kawalan Pergerakan Bersyarat (PKPB) di Terengganu, Majlis Agama Islam Dan Adat Melayu Terengganu setelah mendapat pandangan Jabatan Kesihatan Negeri Terengganu bersetuju memperluaskan pelaksanaan aktiviti keagamaan di masjid dan

surau serta pembukaan pusat pengajian dalam Negeri Terengganu seperti berikut:

- i) Penggunaan ruang dewan solat utama dan kawasan masjid bagi aktiviti solat jumaat adalah **DIBENARKAN**.
- ii) Aktiviti pengajian dan kelas agama di masjid dan surau adalah **DIBENARKAN**.
- iii) Majlis akad nikah di masjid dan surau adalah **DIBENARKAN** dengan kapasiti tidak melebihi dua puluh (20) orang sahaja.
- iv) Semua Madrasah, Pondok dan Pusat Tahfiz yang berada di bawah kawalan Jabatan Hal Ehwal Agama Terengganu **DIBENARKAN** beroperasi mulai 8 Mac 2021.

Mana-mana masjid, surau dan pusat pengajian yang dikenakan arahan penutupan di bawah seksyen 18 (1)(d) Akta Pencegahan Dan Pengawalan Penyakit Berjangkit 1988 (Akta 342) **TIDAK DIBENARKAN** melaksanakan apa-apa aktiviti sepanjang tempoh penutupan.

Kebawah Duli Yang Maha Mulia Sultan mengingatkan Jawatankuasa masjid dan surau serta pengurusan madrasah, pondok dan pusat tahfiz supaya sentiasa mematuhi Prosedur Operasi Standard (SOP) Kesihatan dan Keselamatan dan Garis

Panduan serta arahan yang dikeluarkan oleh pihak berkuasa dan Jabatan Hal Ehwal Agama Terengganu.

Baginda berdoa semoga rakyat jelata sentiasa berada dalam perlindungan dan pemeliharaan Allah Subhanahu Wataala.

Menjunjung titah,



DATO' HAJI OSMAN BIN MUDA

YANG DIPERTUA

MAJLIS AGAMA ISLAM DAN ADAT MELAYU TERENGGANU

2 MAC 2021M BERSAMAAN 18 REJAB 1442H